

四庫全書

集部

欽定四庫全書

御製詩四集卷二十六

古今體一百十首

乙未二

正月九日恭奉

皇太后觀燈侍宴喜而成什

未臨三五放燈時曲宴

觀燈奉

懿嬉一刻千金恒一喜無疆

萬壽永無期月迎望看光逾潔春始孟欣漏尚遲
任步從容却扶掖示予

康健即深慈

題官窯磬子

淡清冰裂細紋披秘器猶存修內遺古丙科為今甲第
人材歎亦或如斯

大丙古玩以甲乙品其等第此器底有舊鍋丙字是彼時三等為今一等

因并識之

西直門外

行慶撰辰愜

豫情值齋信宿返都城承

歡肅

祀無非事簡禮偷安豈曰誠繚轉康衢逾廿里扈隨藩
衛聚初正煙村內有蠶燈景便復因之望瑞雲

祈穀齋居

祈年躬祭望

恩覃左个齋居預日三潔膳

去辛
辣

徹懸心致肅華鎰綵

勝例聽諳初春惟念耕桑始遣暇無妨書史耽題壁率
多盼捷句每遇齋居多有詩紀事過年以盼金川捷奏屢見於辭幾迴清詠不勝
慙

題顏真卿書朱巨川前後告身各於其卷書之

誰識告身有後前豐城無意得珍聯高卑品秩因文別
巨川初則行起居舍人後則守之蓋如今古風規以字今之試用實授實授乃有文亦未可知

延舟檝宣誠巨川用龍蛇斯實灌園傳見陸完弄藏題

識率難考

告在內府舊藏者雖為前而以唐時年月較之則新得者當為前卷舊藏為後卷閱卷後陸完

踐叙述源委甚詳又考陳繼儒秘笈張丑清河書畫舫
似前卷即宣和書譜所載及陸完踐疑為王詵所得別
本後藏項元汴家者後卷曾刻入停雲館帖向為陸完
所藏後歸陳繼儒者今兩卷內如陸之踐項之印章皆
有可據惟王詵曾收藏處則前卷無考疑題踐為妄人
割去而繼儒識語不書於後卷則理之所不可解耳

何礙驪珠真者全

詠痕都斯坦古玉椀

良工精琢巧尚痕都古樸斑華浸疑炎漢擷花英
而規面六出因重掄柔尺以量圍三分乘八執虛
如滿耳正卷然錯采為文體全粲若物惟其適詎

云罕見為珍器審所從實則遠徠宜詠

古玉痕都亦有之土花繁縟製尤奇由來入絮同中外
終致肆筵可慨思數出辦擎花各種兩分耳吐蕾雙垂
團三徑一逾周尺念在孟圓鑑在茲

題方琮山水

靈山能吐雲春氣與氤氲
嶂千林絡飛泉百道分花
宮仙梵靜茅屋客談聞
試問聞何語應嗤孔稚文

詣齋宮作

揚鑾依例弗昭聲

預日詣設大駕例不作樂

壇雖

風細曦暄輦道清

庚日詣

壇先

去聲

辛日便期萬物遂由庚

六街三市慶新年仙木駢羅萬戶妍百歲帝京豐豫象
撫茲保泰益夔然

降輿處減步趨遙

向於入詣

祈年殿輓城門外降輦步
皇乾殿上香自癸巳春改

定由西門步入稍節行陟之勞
冀省力專誠得常申躬祀之敬瞻拜香申

顧諟昭千歲松根雪消盡因希

重惠六翼飄

正月次辛

祈穀禮成述事一律

運轉璿璣支幹輪

祈年占熟值茲辰正元初酉逮次酉

元旦巳酉是日為新正次酉適符留

占熟之

春後中辛即上辛

雖用祈穀例用春初上辛今年正月次辛而以初五立春

計之則仍為上辛云進俎一元升大武在懸九奏叶韶鈞躬承

穀祀四十歲終始惟誠勗永寅

於韶景軒作歌

韶景軒故我題名由來三十餘年已曾未拈毫一經詠
斯亦荒略殊甚耳既而思之頗有說日用不知繫傳旨
莫不飲食孰知味君子之道誠鮮矣

再題獅子林十六景

獅子林

上元前頗有餘閒況後園中咫尺間未可泛舟沿凍浦
已欣入畫對春山盆梅幾朵吐芳意簷雀一聲叩靜闕

雅是雲林習禪處却予縑念在民艱

虹橋

飲虹跨兩岸冰渚步堪通因之生別解半實半猶空

假山

吳中獅子林結構云倪者即今肖御園豈異粉本把又
思石渠藏頗多斯翁寫展觀皆似真何獨此云假歷歷
况可步謂勝一籌也然而久暫間其理悟者寡

納景堂

一時偶涉惟偷暇七字成吟又隔年似此忽忙問景者
安能高逸學迂仙

清閔閣

畫屏圍石嶂奩鏡俯冰池弗謂饒佳致所欣契靜思和
風輕幕拂旭日朗窓移清閔真清閔春光未冶時

藤架

石橋上置藤蘿架不必施松引蔓通謾謂忽收紫步障
幾多花意在其中

磴道

假山頗致崔巍幾梯磴道盤迴弗勞步履陟頂騁懷游
目能哉

占峯亭

峯頂構亭號占峯不知亭亦被峯占譬之持竿以釣魚
却成魚釣率可驗貪夫徇財烈士徇名此善於彼仍屬
有營達哉東坡之言曰未能學不死且自學無生

清淑齋

齋不設窓牖曠觀愜倚凭齋簷疊石詭入座俯冰澄圖
史自娛暇松篁可作朋畧言弗稱去聲者應節綴華鐙

小香幢

芙蓉擎出小樓孤調御當中坐丈夫供養香幢實餘事
若論佛法本來無

探真書屋

樓廊曼轉處書屋得清幽長去聲物心期屏上聲古香鼻觀

謀三餘信可樂四庫近方搜咨爾窮經者應於真際求

延景樓

四時之景無盡延來及節為嘉最喜韶年春孟况對冰

天月華梅香細細玉暈柳色旋旋金加何必蘇臺憶古

倪黃本是一家

吳中獅子林為倪迂位置
并作圖卷今為黃氏涉園

畫舫

鑿沼因之畫舫為却看無用繫冰池
磁基雖有待時要

孟氏深言率可思

雲林石室

盤山精舍名置此實相稱刻削聲壑間一線通雲徑幽
宅纔三楹納景乃無罄雖乏膚寸功亦有氣求應設誠
為甘霖于耜恰春令

橫碧軒

水碧冰亦碧一例軒前橫虛實象中孚會理因循名

水門

跨波門徑上騎牆厯厯人行來往航設使桃源擬洞口
不教迷路誤漁郎

上元前一日曲宴宗親

好是玉輪幾

平聲

連圓近支曲宴例依前繼正合有綺筵

肆卜晝寧須寶炬燃雖此需雲同慶節獨思春雪重

去聲

培田五年弟宅閱三世

吾弟和恭親王於庚寅七月薨逝其子永壁襲爵至壬辰三月

復薨仍令永壁之子綿倫襲郡王至甲午十月又薨五年之間頓易三世迴憶吾弟同堂預宴為之戚然戚

戚牽情一憮然

上元燈詞

夜雪飄晨放霽光西山微見玉為相多多益善寧知足

却對花燈惜不遑

萸英葉舒春十五蟠桃果熟壽三千西樓即是西池耳

恒此承

歡不計年

漢書荆記從頭檢三五由來說上元那是司天遲值望

是月十六日始望桂輪意益示冲存

星毬雲蓋彌平甸雙穗三珠綴寶盤已是人心歡不夜

更教物象繪辭寒

寧須西域微蘇合却笑龍川貢蠟枝慶節因之寓系遠
斯佳亦戒過華奇

榮光燭夜騰晶朗協氣蒸霄勃鬱蔥間斷遠村鳴爆竹
愧言此樂與民同

不禁金吾弛扞擻六街徹夜許遨遊偶思陳烈題燈句
太守還因返引騶

行時燈火閤斯須不以為歡却以吁陡憶臨清及淮上
民間元氣未全蘇

上元後一日作

是日
月蝕

三五昨方度上元今宵燈火罷西園雖云弗記春秋例
合凜修刑管子言摘句亦惟責在已觀書應識靜勝喧
遠村猶聽飛鳴爆不下庶人禮意存

題王冕梅花

野弗嫌狂豐弗肥至哉藝也入精微世間賈作會稽者
貌已不然神更非

世傳王冕墨梅率多繁密蓋因夏文彥圖繪寶鑑稱

其萬蕊千花自成一家之言從而假託耳宋漁嘗稱
晁墨梅不減揚補之夫无咎以疎花老幹勝晁既與
之相匹不當獨趨於繁且畫梅當以枝幹為主花之
疎密本非所重蓋得貌遺神尚不足取矧并其貌而
失之耶此幀用筆簡勁有神固當是元章真蹟因並
識之

詠檀玉如意

檀玉相連結三才宛一身如分合常久雖曲直猶伸代

語還無語似神真有神天花紛落處亦不問緣因

正月十七日小宴廷臣二律

翼節廷臣例賜筵展期一日值今年

每歲小宴廷臣例用上元後一日今

以適當月食展於十七

箕疇著省惟卿士謝賦遣詞異肱弦察吏

安民同有責息肩滿志實無緣莫容易視茲歡醺盡職
艱哉爾我然

新正幾務恰餘閒宜趁閒籌民事艱慢騁豐亨豫大說當

思敬怠吉凶關徵招樂叶笙簧律需雅苗朕內外班

時大學士管兩廣總督李侍堯江西

巡撫海成俱以入覲
在京令一體與宴

却憶賢勞於役者驅馳冰嶺雪碣間

新正舍經堂

閒餘節後到書堂例以新正有詠章那可放心因政簡

依然即景為

去聲

詩忙欣看薰蕕含春意笑指寒檠孤夜

光

堂中雖例懸華檠而曾未燃燭夜賞計日

文華循講典

將以二月初六日舉行經筵

枕經先此繹思長

題淳化軒

軒堂咫尺近兩掖曲廊連撫帖雖無暇

兩廊街重刻淳化閣帖石版其

初榻亦貯軒中翻書則有緣蓮壺遲晝永梅岳識春妍他日倦

勤處期之以廿年予踐昨之初曾立願若臨御至六十年即當歸政以今歲計之尚有廿年

涵光室有會

冬室欲其暖夏室欲其涼惟有春之室所喜涵韶光韶
光融戶外十笏中能藏放彌卷則退義經言已詳又如
虛生白願亦契蒙莊即景得靜會止止來千祥

題淵映齋

書齋實弗臨池水淵映胡然題額名祇為去聲畫存與宵

養欲知物理及民情

師善堂

書云主善為易曰元善長人有能不能凡善皆宜做取
諸人為善重華堪景仰要復在克己德量乃能廣五言
識所存協一勉毋兩

題鶴安齋

放鶴從來屢詠詩

屢作放鶴詩向
皆書泐此齋中

鶴安復不免拈辭任

他長羽無拘束即是好生有順宜時亦庭前呈舞態欣

於松畔具仙姿惟餘一節難調處苑吏禽糧怨減支

愛山樓有會

園中皆假山久假真亦似但存愛山意真假何殊耳愛
與樂弗殊宣尼示其旨善長斯惟時仁為實由己每凜
克復訓詎騁豫遊喜

泠然閣

曰閣必據高既高風易受四時氣或異閣乃恒斯有即
景當為條泠然益和厚萬物無不被列子嗤享帚

盜春書屋

書屋何所有所有琴與書琴則我未學書每堪起予即
今春之孟春意已盜如漢詔一再讀寧不心塵諸

題宋版范祖禹帝學

元祐成書心力殫速乎嘉定又重刊欣茲祖禹芸編在
不異九齡金鑑看務學求師著儀軌修身莅政示倪端
知之行矣吾猶恐綈几寧惟玩古觀

詠和闐玉玉蘭花插

詠玉蘭人多擬玉却看琢玉肖花姿孰真孰假孰賓主
花與玉原兩不知

素朶如脂態逼真嶺南原是號迎春當年題句無心合

向詠玉蘭曾有迎春樹樹綻芳蕤之句第言其開花之
早無所指實也近閱王世懋訂疑云今之玉蘭即宋之
迎春並引王錫爵言嶺南人稱玉蘭為
迎春語以証之與予詩竟有適相合者定論難窮花史

頻

辛夷本名木筆詩人亦以之詠玉蘭然玉蘭寄枝用

辛夷體花瓣尖銳與辛夷同特紫白異色亦未嘗不

可擬以木筆此詢之花師而得者而胡仔荅溪漁隱
叢話則以辛夷木筆玉蘭迎春混而為一王世懋謂
木筆紫玉蘭白判為兩種是矣乃又謂迎春辛夷即
玉蘭且言玉蘭嚼之味辛以為辛夷之驗又失之混
矣大抵紫者為辛夷木筆白者為玉蘭迎春則花之
形色與開之遲早皆合固犁然不柰耳

題木刻屏風

誰氏園林擇勝開山環抱復水滌洄川橫橋喜路不斷

岸轉船如峯自迴意入敞亭趣有永目游高閣望無埃
分明層疊淺深處欲問丹青能是哉

右松風亭閣

遙看蘭若步前移奴子抱琴野迳隨生滅非關參佛偈
清平蓋欲聽賢師

右樾徑攜琴

跨溪畧約水流微信步過還信步歸寄語扶筇覓句者
樸為佳漫逞雕幾

右板橋策杖

李昭道洛陽樓圖

丹青盈尺較縱橫妙寫高樓擅洛京
跋馬垂鞭值休暇
漾舟近岸有逢迎將軍自是超凡繪
宗伯猶疑著定評
風物盛唐傳彷彿幾迴感慨託怡情

是幀界畫整嚴中氣韻復極流動且尺幅而具千里
之勢綃素甚舊即以屬之小李將軍固無不可惟詩
堂董其昌題字筆力荏弱不類香光他書所云曩見

是圖有賈秋壑米元章趙文敏吳文定諸公題跋及
珍藏圖章今歸項墨林家而諸公印識悉失云云既
有諸人題跋則當是手卷而非長幅其改裱又係何
時藉如所云曾歸元汴家何以幅中不見有項氏收
藏諸圖記且董云諸公印識悉失何以幀右下方秋
壑二字印宛在其昌非昧於精覈者既欲品題不應
粗率若此蓋畫幅本是舊物庸手贗作董跋以冀鑒
賞有據並幅中署款亦係妄添不知畫果真即無款

何妨而碣砢之混則不可不辨既以成詩並識於後
題古玉斧珮

古璧跌缺者玉工即就缺處畧為凹凸形以僖其
技人或獻之因命改為一珮一璜於是缺體成全
質各繫以詩亦惜材之意也

古璧何時缺俗工強上聲作能謬稱堪救弊實覺不相應
取義斧惟斲量材珮可勝設如棫樸詠慙是作人曾

題古玉璜

即缺壁所改為者使無是詩人將疑其本為璜矣
使誠無昔缺那見有今全破一巧成二因中直徹邊壁
璜原得半琚瑤可同懸土色璘璘蔚曾誰伴壤泉

題暢襟樓

高樓耐可縱遐觀日麗風和了不寒試問吾襟何以暢
曰惟物阜與民安

自遠軒有警

偶讀泉明詩文軒題自遠地偏非彼慕心澄勵予勉在

彼一遠畢在予遠應辦正士所宜近僉人所宜遣日思
為君難高閒戒獨善

豐樂軒口號

向遠開軒號豐樂較晴量雨共三農每來此便增慙愧
祇為十年九鮮逢

若帆之閣

水裔高樓擬若帆飄颻疑在銀渚上漫嗤五兩艱順風
有順當思逆難向即今湖河一片冰黃龍青雀都收舫

仿佛層甍似有言
羸斯四季恒無恙

湛虛書屋

謾言冰凝

去聲

非虛也試者其中有物乎周易下經原在

几不須著撰得中孚

題錢選綠圃春蔬

春蔬茲見五

國中凡五種

妙筆昔收三

石渠寶笈舊有錢選三蔬圖

聲應

氣求合風和露瑞含咬根誰識苦爰土作同甘漫鄙樊

遲學如遲宜易參

詠痕都斯坦古玉瓢

痕都玉器來已夥似茲舊物誠罕覩製既樸雅非華竄

質亦渾然穆而古瓠可酌水斯象之細腰大腹如剖腑

皮畧為辨疑就模

瓢無辨此器外皮有辨上林以模夾葫蘆成器者乃有之或外國葫蘆本

有辨則不可知矣

柄孔穿繩便攜取瓢飲由來古所稱而彼那知

顏與許喀嗎

名匠

琢為眉哩

名匠

用戰獵佩之隨步武賁來

中國兩無籍數典難尋周玉府宣和刻印非所云

洞天錄

宣和有玉瓢御寶

建初脫粟儉堪祖

漢章帝紀有恨不能飲脫粟耳之語

文房

真稱

去聲

伴清吟偶用輒因懷杜甫

杜甫詩數飲惟三徑

題宋版朱子資治通鑑綱目

涑水創為開義例紫陽述訂益精微直傳一貫天人學
兼揭千秋興廢機敬勝治分怠勝亂念茲是耳釋茲非

三編惟此遵綱紀

嘗命三編

詞臣纂輯明史事為通鑑綱目體例一準朱子朕親為裁定序

而行

輯覽曾無越範圍

通鑑輯覽一書亦近年所纂上自唐虞下迄明末凡有關政治

得失者鉅細咸載其中書法大旨亦仿朱子綱目之例並摘要著論

鈐出新安留面目弄

增天祿有光輝外王內聖斯誠備勿失服膺永救幾

文徵明吉祥菴圖即用其韻

良友相將游寺間一忘還乃一思還

徵明自題云舍西有吉祥菴嘗與

劉協中訪僧過之協中詩云相依半日便思還徵明不和云坐戀梭陰忘却還二人品詣相去即此可見矣

言自可分伯仲何必衡山更寫山

是圖弗寫遠山而山意自存

題宣和梁苑雕龍研

消閒藝圃游墨林慙勤舊物聊檢尋宣和石出老坑深
漆匣久如斷紋琴龍德膺符銘硯陰曰梁苑義可酌斟
宋都汴梁河之潯端王潛邸愛古惜後升宮額龍德鉞

叶
彰符襲瑞如球琳然吾疑焉義象箴飛龍九五剛中
欽宜何如其惕君臨寄情花鳥嬖僉壬既謀遼而更侮
金用招大禍民弗歆徒精詩畫字何心慨然詠古凜難
諶

剛甲行用舊作蕃甲行韻

土爾扈特舊汗阿玉奇所用其曾孫親王策伯克
多爾濟以為獻因成是什

剛甲蕃甲驂靳轅賁然來貢解纍者伊犁平曾歌蕃甲

昔年平定伊犁傳獲甚衆內有鎖子
甲曾作蕃甲行紀事詩在丙子年
茲詠剛甲後廿年

土爾扈特隔羅文

土爾扈特所居在俄羅斯之額濟勒因與中國阻隔聲教俄羅斯一名羅

義慕化內嚮其心堅山莊宴賚錫爵秩

土爾扈特台吉渥巴錫及策伯克

多爾濟等率其全部歸順以辛卯九月至鴈臣歲觀來

翩翩優恤部衆俾得所作文紀事千秋傳

渥巴錫等自額濟勒來時

戶三萬三千有奇口十六萬九千有奇其至伊犁者僅得半而凍餒疰瘡殊甚為之授地分居籌其衣食廬帳

俾無失所因為優恤記勒石以紀

至誠感恩無可獻獻此剛甲歲由先

鐫子連環實精緻介以明鐵兜鍪駢曩彼兩大弗相下

向者相傳土爾扈特為準噶爾四衛拉特之一自其汗
阿玉奇與策妄不睦遂竄往俄羅斯羅後渥巴錫等來歸
始得徵實則自阿玉奇之曾祖和鄂爾勒克於策妄
之祖已圖魯渾台吉不相和睦因挈屬往俄羅斯跳

去俄羅斯界邊駐牧額濟勒之地自統屬如左右賢昔

時曾欲一致使而俄羅斯以為患

初阿玉奇嘗欲遣使通中國為俄羅斯所

阻

皇祖時欲悉其領要命侍讀國麗琛假道俄羅

斯以往俄羅斯故為紆繞其程凡行三年又數月始反

命今渥巴錫等全部來歸僅八閱月而

至則前此俄羅斯之詭譎亦何益哉 扶我使人故繞

道遂令三閱寒暑延宣料窮荒弗招致即今歸順為我

臣叶即今歸順為我臣

吳蒼錫佑蒙轉旋

詣暢春園請

皇太后安

行時慶節始而終

駕返前園

恒御宮半月光陰消已速千春

奉養願無窮十年前率弗介意近歲來何頻切衷懼不

忍言仍是懼吾夫子語佩諸躬

坐抱牀游昆明湖諸勝卽事有作

抱牀

見朱巽尊
日下舊聞

鱗次候河干西望平鋪鏡浦寬冰履行

因凍未解春遲立致候猶寒

正月初五日
始立春

柳絲拂岸黃微

染草紐侵隄綠漸攢萬物向韶都樂意吾民和豫易圖

難

會波樓

長橋亘水面一逕接仙壺東望當春望前湖會後湖波

雖尚未見冰豈或相殊不卽不離處誰因悟有無

藻鑑堂口號

額顏藻鑑意如何取譬堂襟俯碧波我自掄材期稱去聲
職人倫東國却殊他

春風啜茗臺二首

屋弄竹鑪肖惠山春風啜茗趁斯閒却予心每閒不得
憶到九龍問俗間

鳳餅龍團底較工擎杯別有會心中春風正值登臺候
管仲老聃異代同

題治鏡閣

冰沼開奩鑑影磨中心樓閣聳嵯峨山屏西峙玉為畫
曦御平臨金不波語鳥香花付他賞循名責實切斯過
試詢治鏡如何鏡一卷虞書弗藉多

睇佳榭

隔年佳處一探尋迴榭遙看具四臨
輾輾冰牀行凍浦鏡中耐可傲山陰

肩輿候岸陟巔崖既曰尋佳更睇佳
抑眼梅心方醞釀

春生何處士曹懷

暢觀堂

春物未云多春堂此偶過於斯觀化始豈必在芳羅朱
鳥明菱牖金猊消篆窠問予緣底暢歲美與人和

懷新書屋

湖隅山墅試游巡嫩日條風甫孟春雖是良苗觀尚早
由來物物總懷新

冰牀至石舫登岸

片時游外湖

昆明湖自六橋以西為外湖畧如明聖之致

適興宜言返冰牀

輾轉中石舫亦非遠舫自艱於行牀乃任旋轉因思名
與物何曾有定管登岸命肩輿路便山陰踐勝處猶可
尋高下羅亭館詩意詠南山畫趣參北苑一以天機暢
一以幾暇遣

題清可軒

每厯山陰無不至一室之清可人意軒中石壁萬古蒼
壁上苔茵四時翠冬入則溫夏入涼惟有春來盎和氣

示異而復示以同合造化工純且粹坐弗暖席便言去
於理宜然未深愧

繪芳堂

春山發春意春日到春堂盆玉梅霏白岸金柳搖去聲黃
早生因詠禎後素更思商青綠無須設行將繪衆芳

袖嵐書屋

書屋蒼山中奚言屋袖嵐譬之人在世而世心內含况
復蜃窻裏高下疊嶂堪非袖取而何理談豈佛談

靜佳齋

山陰落腳復生崖
擇向因之構小齋
偶至能教不言去
欲吟先擬冗思排
微看草意迴青始
遠列峯容插碧皆
柳綠桃紅漫須盼
箇中真以靜為佳

題澹寧堂

憶昔垂髫歲

賜居曰澹寧

予十二歲時
春園

皇祖養育宮中於暢
賜住之處即名曰澹寧居

無

忘斯黽勉有勒在軒庭
遠致要心泰志明惟德馨
雖云

述格語而每切

聰聽

雲繪軒

佳山恒擬畫然而有定形惟有雲稱繪往來不繫情不
繫則生動益契六法精此軒對崇嶺時復吐英英適值
春之初東郊資瑞翼却當語豐隆慢飛且須停

瑩心堂

小軒構峽上其下奔流泉流故弗致凍四季恒瑩然對

之心亦瑩澄照宛當前樂水寄清會而非較媼妍因憶

避暑莊

訓已垂昔年

避暑山莊瑩心堂為御筆題額斯堂即仿而名之

皇祖

將軍阿桂奏報攻克康薩爾山梁礪寨木城詩以

誌事

自克默格爾山梁滿擬即逋平賊信

阿桂於昨歲十月內攻克默格爾山

梁其地距勒烏圍不過二十餘里計構穴擒渠可以尅期歲事侵尋待之逾兩月密拉

噶拉兵仍頓賊

因距巢甚近死守益堅阿桂自默格爾山梁得勝即駐兵密拉木噶拉木已兩月

餘雖攻得日爾巴丹噶凱立葉等碉寨而得斯提一帶
屢攻不下仍未能直進密拉木噶拉木急呼之則為密

拉噶蓋緣已扼賊門戶因以死守防益慎彼處跬步無

非山石矧蠶叢允難進於康薩爾築碉寨弗遣餘力據

險峻嘉哉我將及吏卒敵愾同志衆積恨拔彼鹿角越

彼濠直逼碉根登奮迅堅壘深窖一時摧大韃大膊不

遺愁

賊以勒爾榮依山勢延長周防不易因於康薩爾
山梁多築碉卡守拒不遺餘力阿桂遂派兵三隊

泰斐英阿等攻其前瑚尼爾國烏什哈達等左右夾擊
福康安等在後策應正月十二日寅刻各路潛進拔其

鹿角躍過重濠至第一碉根向上拋擲火彈賊人鎗石
雨集抵拒並急我兵舉鎗注矢以待賊有露身碉外者

即擊射墮之官軍遂一呼而上躍登碉頂其碉内外地
窖覆以石板為我兵踰塌賊多有壓斃其下者尋即攻
得此碉寨其下有穴潛通第二碉即以石填塞是日已
刻復得其第二碉戊刻又克其第三碉賊人除殲戮外
餘皆負傷而遁十三十四兩日並將其下各處寨落盡
行攻取是役也計克大碉十木城四大石卡二十寨落
七捉生二殺賊二百餘獲銅礮二鳥鎗刀
矛耨耜等無算康薩爾山梁悉勦平
三日殲賊二百

餘遂奪山梁高萬仞石碉凡十木城四近碉寨卡全收

盡叶齊心努力悅以憐普賚特旌夫豈靳

將士奮勇得勝其志足嘉

因賞在事兵丁一月錢糧其將弁中勇銳起羣者經將
軍保奏優擢陞等賞翎賞已國魯號有差將軍參贊領
隊等則俟攻得勒
烏圍交部優叙
勒爾策依籌即擣迅雷不及掩耳震

譬如破竹已裂節其解自當速迎又

阿桂等奏勒爾策依山形綿亘賊防

守不能盡嚴擬於兩三日內迅速督攻使賊人措手不及以期進恃其巢

事半功倍豈期然

為山九仞懼尤甚

叶

佇俟紅旌報大捷竭誠惟籲

天助順

康薩爾之險倍於他處賊之守禦亦較他處為堅乃官兵得之如不甚費力者實賴上天

嘉佑阿桂奏謂此數日適當上辛諸辰由於誠禱所格不知予之默籲固無一日不然也

壇觀祀之

題宋版前漢書

冠冕琳琅天祿收因刊書目閱從頭

內府舊藏宋槧前漢書為天祿琳琅

之冠茲因校勘四庫全書總目復閱及之更覺其精妙罕匹

吳藏本自趙魏國楚得

重歸王弇州久入上方不知故

其書初為趙孟頫所藏入明則自陸顧兩家展

轉流傳歸之王世貞趙與王皆於卷前自畫其像王并有跋向雖題識簡端亦未及此次之經意也茲編

四庫識其由舊杯新筭多佳玉却笑無能大白浮

倣陳書長松圖疊向題陳畫韻

題詩猶憶甲申年倣畫聊因適性天溪壑似哉神不似
果然真者休當前

題劉松年醉僧圖

長松之下坐顏仙草聖揮毫落紙煙生面別開神髓合

石渠聯璧有龍眠

李公麟醉僧圖向
入石渠寶笈上等

玉屏謠

玉屏一峯壯天府較以周尺凡得五產自瑪爾岱之山

山在葉爾
羌西南

一脈崑崙走嶮嶇雖非羊脂寶蔥白別嶺闊

爾綠色

取此玉材質較之和闐玉河所產石子雖精美
稍遜而博太過之玉工呼為山料玉闐爾山

相連別為一峯產玉皆綠色
曾琢為玉璽向曾聯句題之和闐河產視此精然率石

子艱致巨精則入微巨或粗器也而理因之覩直方琢
作丹臺圖樹擬清防向扉戶正道莫蔽蔽邪曲用勒銘

言儆當宁

題乾道臨安志

南渡忘讐久論之最初輿志始觀茲武林掌故因堪考
宋紙存刊乃更奇官署宮城寧復昔吳山越水鎮如斯

臨安四度親訪古當面失哉此細披

臨安即今杭州府
自辛未至乙酉凡

四次南巡皆駐杭州數日均未得覲此書雖尋訪古蹟
無可考証今始見此宋槧初本追憶舊游不啻覲面失
之矣

詠哥蜜盤子

處郡章家弟與兄弟陶純美較兄精春風堂不觀隨筆

那識哥窑所得名

春風堂隨筆載宋時處州章生一生二兄弟皆主龍泉之珣田窑生二所

陶青器純粹如美玉即官窑之類生一所陶淺白斷紋號百圾碎故名哥窑

題鄭重達摩渡江圖

一葦橫江亂流渡都稱初祖具神通歛人齋沐傳奇蹟

津逮何嘗識衛風

令懿皇貴妃輓詩

兒女少年甫畢姻

皇十五子昨年始畢婚七公主九公主皆近年甫下降皇十七子則方十

一歲
也 獨遺幼穉可憐真蘭宮領袖令儀著

萱彤殷勤懿孝純了識生分原屬幻所慙化者近何頻

前年豫妃去年慶貴妃今年皇
貴妃連遭薨逝以是為慙耳 強收悲淚為歡喜仰體

慈幃塵念諄

憩承光殿作

返蹕圓明園憩駕承光殿為娛

聖母情宜割賢妃緒春風緒並吹春雲惜因散彌月未
霑澤望雪殷宵旰籌農無時置餘事可付慢

題餘清齋

書屋崇基上春窻日正明所欣白榻據便有綠編橫蘭
席消今暇松濤韻古聲韶光來尚遲去聲真是有餘清

古籟堂有感

團城上乃平金源遺殿宇植松六百年風籟因成古近
每翻金史世宗寶欽許不忘舊家風孫曾喪厥緒聰聰
徒有言切切惕心所

宴坐齋中有會

已歷乾隆四十春有成三載慙去聲誠真始勤所忌惟終

怠責已常先於課人消暇每欣昨經史教幾那計獎精

神近知結習還應去書注日新喻掃塵近作經筵御論以日日掃室塵

埃未必能盡去喻日日自新習染未必能盡除云釋日日新又日新二句意較親切

題董誥四季蘭

葉下猗猗標素花楚騷等度本無差會稽逸少山亭畔
芳挹惠風趣自賒

右春蘭

閩省恒因貢夏天薰風曉露挹清鮮南朝人訝何平叔
汗拭朱衣更皎然

右夏蘭

錯無芳笑江淹錯

江淹詩李月寒氣重滋蘭錯無芳

冒冷傲霜自有真

卉譜問誰宜結契祇應秋菊作嘉賓

右秋蘭

能偷天巧是花師冬季盆蘭亦有之却似善人方入室
底須送暖致微詞

右冬蘭

詠漢玉夔紋環

肉倍於好謂之璧肉好若一謂之環斯則邊孔適相等
故知環也爾雅詮折旋中矩聲必應以道去君得則還
千年入土伴斫絮不知何復出人間夔紋縈繆泯刻畫
繡花隱現堆爛斑是誰之器經誰玩把筆欲詠心茫然
題宋版春秋分記

分記原通記尊王義寓中

程公亮宋寧宗時人所撰春秋分記以史記法取左傳事

釐為年表世譜名譜又為歷書天文五行諸書又分記
周天王內魯外諸侯以及次國小國四夷之事條分縷
析事因左氏義本聖經皆首記天王以見天下之一乎
周分記諸國以見列國之所以異詳見公悅自序其
弟公許於乾祐三年經國為緯外抑內斯崇統萬乃惟
年刻梓以廣其傳

一會殊則以同希珍傳宋槧遺暇可研窮

正月晦日偶爾成詠

春來春去此相仍忽爾六旬更五增望道敢云造岨極勅
幾祇勵履冰兢雕龍祭獮誠奚益抗雅揚風亦底稱踐
昨歲如夫子矣自惟不惑又何曾

御製詩四集卷二十六

欽定四庫全書

御製詩四集卷二十七

古今體一百四十四首

乙未三

仲春玉泉山

輕雲淡靄仲春天清曉肩輿指玉泉散悶偶然來此日
搜吟瞥爾隔經年波光弗凍常澄若

北方無不凍之河
惟玉泉山湖經冬

不凍以靈
泉發皇也

山色迎韶漸冶然峯頂鐘聲空際落不聞聞

處萬緣捐

題華滋館

書館清而樸每來必憩茲
罨窓挹山色憑几眎林姿
古意本無改春光乃覺遲
雲生因望雪誠有待華滋

翠雲堂放歌

堂後雙枯千百年堂前數松拱把耳
我愛枯兮如古人
我撫松兮若幼士後生可畏不云乎
松當齊枯本常理
少言須待三百年其時應付何人視
彷彿種枯者有云
至哉逸少已標旨

竹鑪山房

近水山房號竹鑪每來試茗作清娛取之無盡用不竭

第一泉為第一湖

筠鼎瓷甌火候聽松何異事烹煎

惠山寺聽松庵為竹鑪數典處江

南民物安恬否未免臨風一縷然

清襟樓有懷

是處奚數典聖因實綜繪

聖因綜繪為靜明園十六景之一

孤山昔行

宮建置略肖概相傳澹人創

孤山行宮時所建相傳

因高士奇園

亭展為之

清麗斯為最往來於胸中構此如彼對雖然更有

進詎惟佳景愛觀民及察吏夫乃巡方大登樓縱遙目
吾民庶好在

寫流軒口號

石峽侵階亂寫流泉源第一溯從頭憑臨忽爾生清悟
為學應於根本求

冠峯亭歌

一峯已是衆山冠

去聲

一亭復作峯之冠譬於為學當進

步曰高仍有高者焉萬事萬物皆如此自恃其高則卑
矣亭子弗恒登每登具殊會殊會却在江以北淮浦災
餘可無害

題涵漪齋

言將遊山北水齋路必經本自無所忙何妨小憩停新
水漾明漪動影晃檐楹隔年見此致殊闊今昔情咄哉
斯言失今昔原假名

含峭居

浸山渌水一湖涵倒影翻窓峭蒨含此是臺翁示禪處
前三三與後三三

練影堂

遙源引碧雲

自西山碧雲寺引泉曲注於堂前垂為飛瀑下匯成湖方與玉泉合流其來源實與

玉泉各別也

擘落翠峯分最喜色非色何妨聞不聞暎窓翻

潏潏帶岫起氤氲匹練天機織休猜絲已棼

倚晴樓

山樓拾級倚晴空每度登臨意不同
早畏晴霖喜晴好

所同仍祇在農功

題含醇室

迤邐過橫嶺山陰別一區
室宇雖弗多高下名各殊
是室曰含醇取義尚樸乎
藻繪在所屏上聲吟詠則不無把

筆未忘言結習笑深吾

崇靄軒

文軒構山凹軒崇靄亦崇
朝暮名縱殊氤氲象實同
況當仲之春英英喜佈空
作雨雪均佳將及興農功
寄語

寫楹者須莫散東風

詠素堂

筆研精良鼎篆翻鋪牋即景待毫揮既云素矣寧須詠
那免迷頭認影譏

眺穹塔未登

南北兩峯各峙塔綴景本肖明聖湖聖湖北存南早圮
有成象者壞邨無斯即調御第一義弗登而登非嬾吾
此亦一眺彼亦眺何必拾級方真乎世人未易知是理

曰誠有此誠有彼

題憩雲齋

山陰之右已畧觀小岡過即山之左崑崙更有數間屋
乘便言臨聊復可此日憩雲真憩雲容容靄靄巖扉鑠
孟春彌月澤未霑作雨固佳雪亦安于招舉趾胥尚遲
先事憂農習結我

書畫舫

北山落脚即東湖水齋房如艤舳舻却異煙雲藏古蹟

詩情畫態自供吾

坐含經堂有詠

含經數典自長春

長春園內含經堂
先建此蓋數典

意在耽書有宿因

枕藉欣他趣無盡就將慙我學非醇徒成據榻時時憩
卽是銘盤日日新半晌清遊詩數首言旋宜矣漏過辰
肩輿歸御園四首

冰融牆外已通舟直達昆明足溯游適可輕輿便言返
興於豪處戒其流

水田一帶尚存水蓄潤將資穡事興小試頗闢農八政
原無他術治民能

日下曾傳功德寺層層梵宇布金田規模減昔顏葺舊
為繫觀瞻非佞禪

去年亟返盼軍書今此依然詩詠如

去年二月中幸玉泉山正當將軍等

進勦促浸之初盼望軍書甚切因有肩輿往即肩輿返為切軍營問驛章之句今大兵已逼促浸賊巢功成在

即盼捷殷懷較前倍急耳

近進雖頻殲狡寇

近日阿桂康薩爾之捷殲賊二百餘嗣復克其

堪布卓甲爾納兩處碉寨斬獲亦眾即日乘勝果入可期迅歲豐功

鴻功待歲越殷予

夜雪

二月初二日

九宮正月落三白庶幾其雪乃虛擬

俗以每月九宮遇三白在下謂之三

白落地為其月多雨水之占昨冬雖屢得雪未能優渥極盼春雪繼霑今年正月適三白在下滿擬可符占驗

乃虛望終月今始慰願

亦知舉趾候尚早未免先時而望矣邇日

西山屢吐雲雲生風作愁無已過午英英又密佈入夜

漣漣旋紛委忽徐忽疾徹五更總是無眠遂宵起滿庭

初旬何來月審識素光照階砌去冬雖已兩番霑優渥

繼滋欣有此土膏正接發脈潤農父興犁慶將始

雪後御園攬景

園林雪後景尤宜緩命輕輿試攬之無樹不開花一色
有山都展玉雙眉日暄陽瓦雨垂雷風簸陰崖冰散漸
冒小涼欣觀大略畫中行處促成詩

梁楷觀瀑圖

減筆意無盡拈鬚神有餘飛泉落湫澱古樹矗扶疎目
寓耳根淨背盎氣海舒雲巒阿那畔源處定何如

題職官分紀

立政惟人義豈磨股肱喜起勅幾歌古今制異難沿襲
襄贊職同在協和經史厯編無不備縹緗獨奔有堪多

是書為宋孫逢吉撰本楊侃職林而推廣之凡官職之
古今異制不相沿襲者俱分目編次不強為附合體例
最稱精審徵引雙松書屋東臯隱此皆蔣曾瑩家藏書
史傳亦極詳博弗出對數又以何
不必寓意於紀職官之書因戲詰之

詠和闐玉僧帽壺

昆邱昆水產精瑤作器量材琢與鐫肪白品齊丕魏喻

霽紅式合大明年

內府舊藏大明宣德年
霽紅僧帽壺向有詩

似同毘奈居

蘭若祇欠伽梨披水田回部無僧伊古事恰如三藏混

于闐

和闐即于闐乃自古不易之回部回部自有經不信佛教不宜有僧而華嚴經稱于闐三藏沙門實

義難陀譯心知其非詢之章嘉國師乃知實又難陀為施利難低之訛于闐為鄂等答之訛鄂等答乃天竺西印度與于闐無涉則有高行梵僧固宜詳見翻譯名義集正訛茲以和闐玉為僧帽式因並及之

題趙宗漢雁山圖

希珍猶見濮王孫北宋丹青法度存四大家非望肩背
兩將軍可溯淵源不無刻畫饒神韻自有精微契道原

友誼相敦雁山墅恍看叙別話松軒

末二句槩括宗漢自識語

題宋版通鑑紀事本末

涑水編年著通鑑建安紀事別成書興亡本末為金鏡

條理因依若輔車雖有增前斯數典

素樞為是書依司馬光通鑑為起訖

其前編則明沈朝陽

便稱續後此開初

續編宋紀為明馮琦編元紀為

所編焦竑校正之

陳邦瞻編皆張溥論正明紀則本朝谷應泰所編也

淳熙紙墨香天祿玩味孜孜

日警予

明製百花洲圖犀角盃八韻

內庫棄置多年偶觀故物見此盃特精雅因題句

巧斷東湖景亭臺倒影明往來織蘭柁迤邐帶江城泊

似楊萬里

楊萬里詩十年四泊百花洲

弄傳項子京

孟刻子京秘玩

可觀疑

可步宜畫復宜評解鳩因為器

明製犀角盃甚夥蓋以解鳩故耳

駭雞

特是精燃殊溫嶠智獻表趙佗誠庫置初經目筆吟偶

繾情奚關賤難得

見宋書

詖語瑞圖呈

文徵明青綠山水

水秀山明處佛家仙者都往來無俗士談笑有鴻儒詩
合曹從事畫宗趙伯駒陡思龍井上視此定何如

題明人影宋鈔清波雜志

逸史犁然志紹熙久無傳本此稱奇唐鈎晉蹟隔一間

明影宋刊非兩歧

昔人謂雙鈎下真蹟一等如唐臨晉帖之類影宋鈔亦然世道人

心斯繫矣南遷北伐早卑之

此書雖雜志古今事蹟而於高宗南遷臨安建都特

詳於題宋中興聖政草詩已論之茲不復贅

清波門外西湖水洗盡當年諛

墓辭

詠木刻桐院清陰圖屏

清和時節葉專勻櫛櫛綠雲覆翠茵謾說禎祥棲以鳳

寧須冗雜樹之榛小童烹茗空庭待高士囊琴野竹循
比似焦桐千古壽屏間爨下總傳薪

題陸游素心硯

猶是端溪出老坑素心恒泐舊交誠

見游自刻銘語

李仙杜聖

詩津逮張

顛

草楊

風

行書體明

見游詩

染翰抽思同彼伴

桑田海水獨斯更七言吟罷還成笑何異放翁當日情

二月六日經筵作

輕雲釀雪仲春和廣廈談經儒彥羅詎曰崇文循典故

欲因體道互研磨新民要在於修己惠我還須勿問他

是日進講大學日日新又日新易經有孚惠我德

殿後文淵將建閣

文淵閣向僅沿襲虛

名今擬於文華殿後建閣為貯四庫全書之所待成四庫貯書多

微雪

二月初七日

徹夜問雲勢凌晨值雪飄寒英綻雞樹玉色積鸞寮自是粵春澤惟憐見睍消既欣還既惜於得那辭饒

獲諫

有序

阿桂既克康薩爾即乘勝進勦堪布卓甲爾納賊

寨數日復全克之初發兵之夜有番人來投訊其
名為郎木卡云是鄂克什人廿餘年前逃往促浸
者聞大兵攻勦嚴急故至此探路欲率番投降耳
阿桂以彼在促浸久地形皆所熟悉何待再探且
察其神色有異嚴鞠之不復能隱知為促浸頭人
當囑拉阿納木遣其叩營詐降以潛詢我兵虛實
及進攻路徑廐牧遠近即令遁歸以告為抵禦掩
襲計阿桂既得情即斬郎木卡以徇并札致各路

督兵攻勦防守諸臣胥留意毋忽阿桂此舉可謂
得行軍機要矣邇來賊中投出之番不一而足從
未有如此察詰者其中誠偽固不可知然過疑懼
沮遷善之塗而過信恐墮狙譎之術自非明習有
識者未易臻此善夫李靖之言曰孫子用間最為
下策譬之水能載舟亦能覆舟然靖第知用間之
難若察間之難則未之及也余既嘉阿桂之能發
奸因成是篇以闡之

兵法所貴者知我知彼耳知我猶覺易知彼斯難矣彼
我互主賓我乃彼之彼彼用間諜來蓋欲知我已誠投
與詐投是在精心揣誠投我撫之或得彼端委詐投乃
奸細窺我告彼駛將軍審獲之允協用兵理復克其兩
處阿桂於攻克康薩爾後復得堪布卓甲爾納兩賊寨
斬獲亦衆且已至河岸官兵汲飲甚便即可乘勝果
入迅速賊巢入已罟叶師貞賴助順鴻捷計日指
成功

仲春齋居

右社將臨祭深宮此致齋晝長日出早春暖雪消皆牆

柳梯籠院庭莎芽紐階誰云幾務簡籌筆正縈懷

阿桂奏至

堪布卓西南山腿上尚有碉寨必須攻克此處前進始無妨礙官兵先已圍其三面並移礮轟摧又分兵四路於廿四日半夜乘雪進攻賊已知覺抵禦尋恐被截在內一面出碉抗拒一面逃竄官兵鎗箭齊施斃十數賊餘俱竄至河邊落水淹斃者甚多因得其大碉一木城一石卡二其沿河六寨賊人雖步步退守尚須節節力攻然以形勢度之必能次第攻佔隨即指示機宜郵發益盼捷音適至

詠古玉穀壁

半露羊脂半暈土淺紅深紺英英吐是誰之血誰水銀
紿若而出入市賈乙鼎癸異豈異斯躬伯蒲男亦曾伍

撫之無跡視有形粒粒嘉穀原非棄慨古率欲捐之山
以兆有年更珍取

仲春祭

社稷壇禮成述事

廟左

方壇右當春敬事

祈佑農斯有重卜稼願無違晉玉陰墉潤陳牲芳俎肥

蠲辰連戊子

昨歲祭
始土養物

壇日在戊子曾有幹中支在
萌之句今歲祭日復值戊子

土養物占幾

憩承光殿作

歲祭西墉轉順途層闕臨更衣憩體暫詢

寢繫懷深古柏千年調時禽二月音北瞻瓊島近又喜
作春陰

西直門外三首

有事宮中數日停

起居心繼問

慈寧輕輿減從御園返底用揚鑾和響鈴

出郊村墅帶煙光農父猶遲舉耜忙却是流陰弗相讓
柳條青已漸羸黃

前朝微雪釀微寒積素田間玉未殘喜澤還虞發生礙
一時憑攬念多端

御園舟泛誌懷

數日還紫禁今朝臨籓院屈指未逮旬重來冰已泮流
陰迅如斯陶侃誠有見

有見鑿冰非昔曾屢致詠

御園當冰泮之前中涓每鑿冰以獻勤深知其無益然禁

之弗能止曾作鑿冰行以記事

何如待其解自足供舟泳順時惜人勞

小節亦用敬

用敬凜無逸漾舟聊暇遣波面蒲未刺波心藻自卷於
彼物菀枯悟茲理歲顯

歲顯各有時仁用義經著春工鼓萬物聖憂曾不與我
實法聖者惕乾那可去

盆梅四解

盆梅自南來遠辭江國雲香片及綠萼稱謂名已紛

解一

花師識其性害護火以薰然當綻蕊時一例霏清芬

解二

火候視多少遲速乃以分或則開於冬或則榮於春

解三

可憐幽貞姿粵華率由人何如在深山自全其精神

解四

詠和闐鏤玉屏二首

富產玉河匪中國古今疆索豈相殊

玉出和闐楚之白
行魯之瑤璆有其

名而非
其產也

春秋包貢如納銍應物風詩想像夫

應物采玉
行以為想

像諷刺則可若謂必有其事則
藍谿實不產玉今豈異於古哉

右和闐采玉

桅竿五兩布帆懸崖樹江楓送客船粉本問從何處得
玉人云是李青蓮

右荊江入剡

姚公綬煮茶圖

茅庵茶話兩高士泉韻松聲問荅閒大似九龍事茗處
斯人家本住其間

再題宋版九家注杜詩

兌氏之戈和氏弓續增天祿吉光中浣花眉列新金帙

金粟身存舊卷筒

世以藏經紙之未作經冊者為卷筒紙最為難得此書面頁用之

尤

物寧論顯與晦逢時亦有塞今通武英棄置今方出

是書

度塵武英殿庫架不知幾許年茲以校勘四庫全書始
物色及之且辨其為宋槧善本即此不可以悟人材之
或有沉淪耶 絜矩人材默惕衷

詠定窰娃娃磁枕

爭不棗梨開嬉辭保傳嚴錦綳曲肱卧玉筍舉頭瞻巧

製傳白定晏眠資黑甜繫子夙興者却置祇吟拈

雪

二月十四日

前旬微雪未逾旬望則鄰貪惜亦真孰謂生雲剛過午
遂看集霰甫交申攢團益密茫無際優渥通靈若有神
落地半融還半積總為春澤利農人

題霽紅僧帽壺

宣德年中治太和齋裏藏

壺座鐫和齋製蓋

雍正清玩及太皇考在藩邸

時所鑒賞太和齋今在雍和宮撫摩欽

手澤吟詠識心傷潤透硃砂釉盛宜沆瀣漿如云僧帽

式真幻定誰常

吳之琯煙村牧笛

左右溪田一徑斜綠雲深處有人家相安耕牧無他事

三代遺風夫豈遐

花朝

去歲看花曾有詠

去歲花朝有今歲花朝名副堪之句

今年詠雪作花看

北方候冷其恒事

立春在十二月中旬則花朝或過開花否則此日率無花也

應節

雲霏真創觀結萼綴枝那有異疊羅翦綺笑無端女夷

雅合謝青女借助園林萬朶攢

詠漢玉穀壁

孰謂玉性剛土蝕或齧缺孰謂玉質白血浸或縟纈謂
漢實頓置在周想陳列蒲乃花形蓬穀止粟粒綴禮圖

未可據埤雅具精說

埤雅云蒲穀壁禮圖作草稼之象
今人發古冢得蒲壁乃刻文蓬蓬

如蒲花數時穀壁如粟粒
爾則禮圖亦未可為據

復雪

二月十六日

夜雲復雪達崇朝浩浩漫漫意正驕屋瓦平鋪不分壟

庭柯凍合總封條尺盈欣此心田沃寸度羸前

天澤饒

歲前冬三月及正二月雖屢得雪均不過二三寸即昨十四日之雪亦止四寸餘今則盈尺積

實勢猶未已
實為優渥

適可又思晴亦好將無過冷礙春韶

雪泛四首

冰開一舸暢沿流雪落漫天卒未休幾暇今朝心值喜
玉曼陀界試清遊

斜撲橫排勢配藜煙隄咫尺渺如迷米家黑與曹家白
合撰拈來作一題

飛空原自有形看
落水渾成無色觀
空色有無齊置却
泛清淨境破輕寒

高柯低榦花為綴
水榭山亭玉作褰
無定光中有聲畫
打蓬浙浙卷蘭航

題宋槧謝宣城集

李杜稱詩久樓洪

是集於宋紹興丁丑秋宣城守樓昭鋟於郡齊距謝朓已

六百五十餘年又六十四年為嘉定庚辰郡守洪偁以舊版字畫漫漶復刊之

芸香資望古藻

績足怡情詎祇搞辭麗
頗多契理精欲嗤劉刺史
何據五

言城

題無逸齋

萱祀問

安退松齋咨政臨繹茲公旦額

貽厥

聖堯箴籌治凜泰否衡才鑒古今寧惟見諸語永以勵
於心

出暢春園門往泉宗廟攬景雜詠

清晨勅政尚餘閒咫尺泉宗試叩關雪後不泥還不凍
輕輿真步玉虛間

鱗塍左右雪平鋪積素凝華致越殊了識插秧時尚早
麥田潤透逮犁扶

隄行迤邐向南高碧瓦紅牆綠樹韜建閘蓄泉流注北

春明日下記空勞

萬泉莊之名雖為日下舊聞春明夢餘錄所不載而丹稜泝則二書皆有

之其謂出巴溝以達於高梁同歸於失實蓋高梁之水自由玉泉發脈匯為昆明湖流為長河以注為通惠河者其流自北而南若萬泉莊之水則由巴溝向北流從無涓滴向南者實不待燭照數計向為萬泉莊記曾綜

其大要
以證訛

山桃春冷尚遲開
借助韶光有是哉
恰似棲霞寺傍路
一株柳樹一株梅

泉宗廟

漸近見環垣
居中廟貌軒鴻
功利畿甸崇像
據泉源言
念耕桑重斯為
衣食原即看田
積玉已是沐深
恩

挹源書屋

萬事必有源
所以喻乎水
萬泉久名莊
泉源實在
此建

祠祈佑貺利穡興良耜左右有隙地點綴軒齋美軒齋
率對泉挹之隨處是書屋偶翻書治源味荀子

扇淳室口號

室形如扇初吳工取式為之肖乃同憩弗以欣却以愧
幾曾民物被淳風

向綠軒

真泉互潺淙假山圍翠巒擇向構亭軒弗取奢取樸歷
歷閱活畫泠泠聽仙樂春意方醞釀春光未揚摧繞階

綠嫩莎副名此先覺

主善堂有會

人心欲有主無主斯憧憧主莫如主善元為四德宗試
看彼三時皆助春之工即景月惟仲萬物和氣中吾民
或向隅則應愧於衷大舜更大焉願師與人同

秀舉樓

層樓縱望意超超外發英華神內昭恰似休文譽安陸
獨於高處見風標

題依綠軒

曼轉迴廊更向西
文軒依綠額檐枅
此來又閱今年景
欲去還吟昨歲題
積素有花看簇簇
望青無葉待萋萋
試詢憑處於何是
祇在煙塍與雪畦

輝淵榭口號

豈圖育蚌致輝淵
坐愛窻臨漱石泉
孫楚誤言真不誤
但存此意合稱仙

樂清館

池上構書館名之曰樂清探源看挹注據座俯澄泓不
到塵埃處堪娛圖史情孫康渾可學映帙雪光晶

永寧觀瞻禮

堯時垂廟額古栢百年經載葺塗丹牖來瞻仰洞靈北

樞資翊輔

殿有翊輔北樞區額
皇祖御筆也

西母祝遐齡肅拜還申願寰區願永寧

題含淳堂

寺側開溪墅書堂淥水濱去年曾未至此日憩堪欣散

上志值清暇含淳仰

聲

聖文徘徊因自省何以副尊聞

得真齋

書齋山水窟圖史足相親
小別已逾歲偶來方仲春
卷開知有益几淨更無塵
自問披芸處何時始得真

襟嵐書屋

雪後作清遊素情颯景投
林糊花錯落峰戴玉雕鏤
望去襟懷潤挹來嵐氣浮
不須勞捃摭詩意與心謀

湛凝齋有會

湛然凝碧弗連漪撫席拈毫又一時始解澌中遞春信
不生波處得心期暫來便去無多戀流水行雲有若斯
馳驛偶因憶往喻

遊憩所至從不久留昔年南巡時大
學士尹繼善曾有馳驛看山之喻

愧於茲亦幸於茲

常謂貪小逸者必致大勞溺小樂者必致大憂故凡
遊賞之處必以此為戒而不敢耽盤也

喜晴

二月十八日

通日屢作雲既雪思晴好然斯豈易得當春澤每少紐
芽速發生過冷礙富媪今朝始放霽麗照曦光晶瓦甃
積素融垂溜聲浩浩足識雪之大實慰心焉禱春麥可
以耕秋麥潤益飽半月堪靜待後當希雨早

題宋版楚辭

信是身清志猶烈允宜朱註向為刊害公有疾託蕭艾
正道無妨擬蕙蘭論古恒明論今闇責人則易責躬難
畢然惕若披芸處敢作尋芳漱潤觀

漢玉穀璧

璧以穀名執以子禮器姬周制傳始入土出土幾千年
肉好漠然邦識彼因悟穎物終不秘絮斲漆燈見原鄙
穀因土生名已佳華復土蝕質轉美惟土物愛厥心減
旋自哂恐非謂此

題董誥四季山水冊

華溪漁樂

桃花沿岸映波繁出水輕儵落網翻底事漁船雙撥棹

嫌教熟擬武陵源

曉山晴靄

樹翻翠影風來颭
谷戀寒光雲歛遲
此景憶曾南國遇
寒山側畔曉晴時

細雨孤帆

片席孤竿五兩宜
吹來蓑笠濕桴絲
讓他漁父饒禪伯
正是全身裏許時

菜圃風喧

老翁學圃最知春
順令非譏名信臣
摘向擔頭翠猶滴
勝他紅紫賣花人

雲壑奇觀

樹杪泉聲渾似立
山腰雲色却如流
石橋縱目凝神者
可於其間得句不

柳湖生翠

幾曲野塘一川水
萬條新柳半湖煙
畫家妙合天工處
樹色波光翠與連

喬木新陰

繁紅謝朶綠生枝
藹藹新陰漸欲披
打疊雙柑與斗酒
戴家應是聽鶯時

水暖垂綸

宿雨初收春水生
綠川坐喜漾舟輕
誰言五字翻如錦
不及一竿曲盡情

用沈佺期
釣竿篇事

村墅錫簫

風香錫擔過村寮
節近清明景物撩
比戶小兒不期出

都因聞得一聲簫

江城山色

畫裏江城鏡裏浮
花能巧笑柳能柔
一般山曉晴空望
端識春光較勝秋

右春景十首

連村綠暗

西村東郭無遮蔽
林綠因之巧與藏
底絕人行多閉戶

家家應是為

去聲蠶忙

風軒看奕

勝負無心究有為何如袖手坐觀之消來長日不知暑
活脫精神李遠詩

精藍結制

閉戶趺床槁木容相將結夏究真宗既云真矣又誰究
未免天魔覲面逢

四山欲雨

油雲布覆四山同柳毅應教識雨工若問詩人得句處

咸陽樓在郡城東

用山雨欲來句意

松風茗話

謾謾松間有好風
掃苔坐石劇談雄
浮香漉雪取其趣
火候何須文武工

林扉虛敞

長夏虛庭合閉闌
層林解事鎖孱顏
雖然更有宜人者

風月還教度間

去聲間

水閣荷香

木槿敞榭俯銀塘倚檻高人獨納涼色似水華頗亦有
問誰能似此清香

竹庵留客

茅覆簷黃樹覆青柴門延客雨忘形遠山雲暗知將雨
屋勝班荆且合停

蓬窓逸興

不繫孤舟泊柳隈柳風拂暑綠波開漁童烹茗船頭供
應是欣於鴻漸來

野塘菱唱

菱熟銀塘六月天
吳人采采漾輕船
數聲歌颺不知處

聽是煙波調

去聲

水仙

右夏景十首

竹泉漱玉

坡陀高下瑣蒼簷
帶以石泉漱玉涼
設使喻如夔所憂

聽來聲已中

去聲

清商

桐陰琴趣

為嫌餘暑坐桐陰何以消閒理素琴風拂林間有葉落
平添爾許韻秋心

澄湖泛月

問月所宜宜是秋於秋又是濤澄流二賓一主蘭舟泛
玉局依稀壬戌遊

林亭清籟

屢屢四柱晒煙空秋稚猶欣納爽風却是密林聊縱目

間

去聲

間

平聲

已見幾枝紅

荻汀雁字

蘆荻蒼蒼欲作花
長天秋水望無涯
書空筆陣衆流動
霜信傳來玉塞賒

楓江夜泊

楓江舟泊衆桅森
何處寒鐘送遠音
此景發人應不少
底稱祠部有清吟

菊徑松扉

青松自合友黃華
骨格猶存氣味賒
雖是一般三徑曲

漫將蔣宅混陶家

暮山塔影

嶺巔蕭寺隱叢林
窄堵微餘影露簷
此際闌黎叅白業
可曾識得本來心

翠巖錦樹

峭壁當秋態益奇
千張開錦過雲披
澄觀齋後尋詩處

避暑山莊有翠雲
巖在澄觀齋後

活畫神情較勝斯

練溪雲帶

水鏡對來真不競雲紳拖處與俱遲試看一幅香光畫
恰合五言子美詩

右秋景十首

黃葉山莊

林樓出樹堪睇遠樹色已看黃替青掃葉何人鄭谷與

陸游偶因即景憶金陵

江寧有掃葉樓不知為何人所築志乘無可考南巡時未至其

地曾三次
寄題以句

野航晚渡

招招舟子晚江風霞影天邊一抹紅不識勞心待渡者
幾人日暮嘆途窮

玉壘雲開

下槩高風何代無雲開玉壘照成都披裘曳索人奚往

祇乘林亭四柱孤

用唐隱士朱桃椎事桃椎成都人也

羣峯聳秀

林稀端喜見山容如睡羣峯秀弗濃此是歸根真淨所
雲深處或洞仙逢

煙寺疎鐘

雙峯排闥似天成
樹杪寺樓隱見甍
誰與發鯨雲外落
六時鐘裏放參聲

翠嶂瑤林

林下虛亭翠嶂隈
高人對語坐徘徊
漫嫌突兀無餘葉
面目枝枝見本來

古木盤鴉

傍晚盤林東復西
罷飛巢木夜還啼
物情千古率如此

那識悲懷莫可棲

寒江密雪

織竹為篷上覆茅寒江不泛泊塘坳別傳贊善圖中意

何異披蓑鄭句敲

用鄭谷漁人披
得一蓑歸事

萬井迎年

煙村迎歲鼓聲傳荅臘冬冬勝管絃一日樂非容易得

並因切意為祈年

山樓覓句

把筆阿誰樓幌披詩中畫也畫中詩詞臣點染傳家學
向日西清有所思

右冬景十首

西直門外

彤宮每以致齋返

以祭王廟

回宮齋戒

歷代帝郊外民風歷歷看野

店墻陰仍積雪曉輿逶迤破輕寒

農人春麥播應忙秋麥猶然未茁芒仲月風光北地慣
微涼此際諒無妨

小駐傳餐例倚虹

每進宮必於倚虹堂傳膳此地行宮乃辛巳年恭遇聖母萬壽筭治

以備

登輦者辛卯再遇

慶典曾事鼎新轉瞬

六年辛丑即逢

九旬慈慶屆時又當復加丹腹矣

長河東注已冰融重修盛典仍於此屈指六年顚望中

漪瀾堂

太液春迴冰始融溪堂如對鏡奩中隔年又印天心月
向浦微漪水面風須識動時原有靜最欣色處了涵空

設更

平聲

會得觀瀾術志道成章在用工

畝鑑室

古井引泉得畝池碧波不動鑑光披若論方寸為澄照
本約於茲施博茲

綠意廊

郊當冒苑不違期綠意宜看半吐時設使盈庭鋪翠毯
轉憐黃染亦將隨

太液池泛舟

液沼冰融可泛舟致齋前偶試清遊還宮況此為路便
監水因他作楫求魚躍雁迴化工暢天光雲影靜機投

鳴榔聲裏忙登岸為接軍書報置郵

連日盼望軍郵甚切適於舟上接阿

桂富德奏函隨命登岸與中
啓閱將回宮批荅不暇遊覽

山東巡撫楊景素奏報雨雪情形詩以誌慰

氣候向南暖山東雨雪兼

京師於二月十四十六兩次
得雪盈尺茲覽楊景素奏山

東省城於十五亥時至十七寅時雪中帶雨隨下隨融入
土六寸與此地同時霑澤惟山東向南氣暖故兼有雨耳

燕齊縱殊澤彼此竟同霑堪播大田種

上聲

全滋二麥尖

東省春麥此時已出土幾輔則起雪後翻
犁正可播種春麥亦由氣候不同故也

豫郊應亦被

佇待奏書覘

詠同心玉環

巧匠琢瓊玉同心古有聞
利將見金斷臭可擬蘭芬
聲應惟相合形聯永不分
如占大師克麟閣佇酬勲

眼鏡

器有眼鏡者用助目昏備
或以水晶成或以玻璃製
玻璃云害眼水晶則無弊
水晶貴艱得玻璃賤易致
老年所必須佩察秋毫細
然我厭其為至今未一試
揮毫撫牋際原可蠅頭字
抑更有進焉絜矩具精義
賴彼作斯

明斯明已有蔽敬告後來人吾言宜深思

躬祭

歷代帝王廟禮成有述

載

裡景德仲春和

帝王廟正殿曰景德崇聖

數入聲則誠非疏未過十歲

一來瞻

廟貌

帝王廟為中祀例應違官乾隆甲申春以修葺廟宇落成親臨致祭逮今十一年矣

萬年永

式省廣歌聖惟吾法庸吾戒法者實稀戒實多但匪墮

宗均入祀

歷代帝王位次舊時惟祀開創之君及守成令辟每代不過一二位康熙六十年

皇

祖以歷來祀典或祀其子而不及其父祀其臣而不及其君未為允協

諭廷臣另議非大無道失國者皆

祀之又以明之國事壞於神宗光宗熹宗而不亡於愍帝

諭撤神光熹三宗而祀愍帝實為千古不易之

公論也

仁皇奕代著金科

山桃花始開

今歲春寒節候遲仲之下澣始逢斯遙看紅染近猶紫

南向苞含北兀枝信遞韶華杏輸先

去聲 南方杏先桃後北方則桃先

而杏後然碧桃則仍在杏後也

圖來掩映柳為宜相爭何必較伯仲

俗有

挑柳爭春之語總有飛花落葉時

河南巡撫徐績奏報得雨詩以誌事

仲春雪勢自南來北冷南暄疑雨哉齊昨已稱糴粒雜

二月十四至十六京師得雪盈尺昨山東巡撫楊景素奏省城於十五等日雪中帶雨今徐績奏河南省於十

五十六兩日雨中帶雪蓋愈向南則氣候愈暖云豫今隨報乘田培

豫省霑被春膏六寸

大田已可翻犁既欣六寸霑真渥沉值同朝恩溥咳大吏奏章

詡時若

徐績摺有似此雨暘時若小民實為恒意之語

嘑乎益敬莫徘徊

御製詩四集卷二十七